

Na osnovu člana 41. tačke d) Ustava Srednjobosanskog kantona („Službene novine Srednjobosanskog kantona“, broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03); („Službene novine Srednjobosanskog kantona“, broj: 2/04 i 14/04) i člana 7. stava (2) Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14 – ispravka teksta, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25), na prijedlog Vlade Srednjobosanskog kantona, Skupština Srednjobosanskog kantona na XXI sjednici, održanoj 22. jula 2025. godine, donosi

Z A K O N

O IZMJENAMA I DOPUNI

ZAKONA O IZVRŠAVANJU

BUDŽETA SREDNJOBOSANSKOG KANTONA

ZA 2025. GODINU

Član 1.

(Izmjena i dopuna)

U Zakonu o izvršavanju Budžeta Srednjobosanskog kantona za 2025. godinu („Službene novine Srednjobosanskog kantona“, broj: 1/25 i 7/25; u daljnjem tekstu: Zakon), u članu 21. stav (2) mijenja se i glasi: „Za obračunavanje plata budžetskih korisnika kojima se plate uređuju Zakonom o platama i naknadama u organima vlasti Srednjobosanskog kantona i Zakonom o platama i naknadama policijskih službenika Srednjobosanskog kantona utvrđuje se osnovica u iznosu od 460,00 KM i bod za obračun plate u visini 1, a primjenjuje se od 1. jula 2025. godine.

U članu 21. iza stava (2) dodaje se novi stav (3) i glasi: „Plate nosilaca pravosudnih dužnosti obračunavaju se prema Zakonu o platama i drugim naknadama sudaca i tužilaca u Federaciji Bosne i Hercegovine.

Dosadašnji stavovi (3), (4), (5), (6), (7) i (8) postaju stavovi (4), (5), (6), (7), (8) i (9).

Član 2.

(Izmjena)

U članu 31. stav (1) tačka n) mijenja i glasi: „Tekući transferi drugim nivoima vlasti i fondovima, tekući transferi neprofitnim organizacijama i subvencije privatnim preduzećima i preduzetnicima-za predškolsko obrazovanje“.

Član 3.

(Stupanje na snagu)

Ovaj Zakon stupa na snagu sljedećeg dana od dana objave u „Službenim novinama Srednjobosanskog kantona“.

Broj: 01-02-778/25 22. juli 2025. Travnik

PREDSJEDAVAJUĆI SKUPŠTINE

Dražan Matišić, s. r.